

# XWM PHAU IB

Xwm Phau Ib, Zaj 15 thiab 16

**Das Vis nqa lub Xab Cog Lus mus  
hauv Das Vis lub tsheej.**

**1 X. 15 : 3 - 4 + 15 - 16 + 16 : 1 - 2.**

**15** 3 Das Vis hu tas tsoom His Xas  
Lais tuaj sib sau nyob Yes Lus  
Xas Les. Lawv yuav kwv HUAB TAIS  
lub Xab Cog Lus mus rau pem qhov chaw  
uas Das Vis tau npaj tseg.

4 Nws hu As Loos cov tub thiab hu cov  
Les Vis tuaj.

15 Cov Les Vis muab ib co nqaj kwv  
Tswv Ntuj lub Xab Cog Lus nyob saum  
lawv xub pwg, xws li Mais Xes tau ceeb  
toom tseg raws li HUAB TAIS lo lus.

16 Ces Das Vis hais rau cov ua thawj  
nyob hauv cov Les Vis kom cov kws hu

nkauj nqa lawv cov twj ua paj nruag los  
nyob hauv qhov chaw uas sawv daws  
yuav hnov cov zaj nkauj nrog paj nruag  
ua kom sawv daws zoo siab lom zem.

**16** 1 Lawv coj Tswv Ntuj lub Xab  
mus hauv lub Tsev Tsam Phooj  
uas Das Vis txhob txwm npaj cia txais lub  
Xab. Lawv muab lub Xab txawb nyob  
hauv nruab nrab lub Tsev Tsam Phooj.  
Lawv hlawv tsiaj txi Tswv Ntuj thiab  
lawv ua tej thaj txi Ntuj noj cov txim.  
2 Thaum Das Vis hlawv tsiaj txi Ntuj  
thiab ua cov thaj txi Ntuj noj txim tas mas  
Das Vis tuav txog HUAB TAIS lub npe,  
thiab nws foom hmoov zoo rau tsoom sid.

# XWM PHAU OB

Xwm Phau Ob, Zaj 5, 6, thiab 24.

**Xas Los Moos nqa lub Xab mus  
hauv HUAB TAIS lub Tuam Tsev.** **Tus vaj Yuas ua txhaum.  
2 X. 24 : 17 - 25.**  
**2 X. 5 : 6 - 10 + 13 + 6 : 2.**

**5** 6 Tus vaj Xas Los Moos thiab tas  
tsoom His Xas Lais tuaj sib txoos  
nyob ze ntawm lub Xab. Lawv txi nyuj  
txi yaj ntawt tas nrho suav tsis txheeb.

7 Cov Leej Choj coj HUAB TAIS lub  
Xab Cog Lus los txawb rau ntawm qhov  
chaw, nyob hauv nruab nrab lub Tuam  
Tsev Teev Ntuj, nyob hauv Kem Ntshiab,  
nyob hauv cov Tshiab Kes Lus Npis cov  
qab tis.

8 Cov Tshiab Kes Lus Npis nthuav lawv  
cov tis los roos lub Xab thiab cov nqaj.  
9 Cov nqaj ntawd ntev txaus kom yus  
tuaj ntawm Kem Ntshiab yus pom tus  
ntsis nqaj, tab sis nyob deb mas tsis pom.  
Cov nqaj ntawd tseem nyob ntawd los  
txog tav no.

10 Tsis muaj dab tsi nyob hauv lub Xab,  
tsuas muaj ob daig txiag zeb uas thaum  
cov His Xas Lais tawm ntawm Hais  
Nkws Tos teb los. Tswv Ntuj tau nrog  
lawv cog lus. Nyob ntawm lub roob Hos  
Les Mais Xes thiaj muab ob daig txiag  
zeb ntawd tso nyob hauv lub Xab.  
13 Cov tshuab hom thiab cov hu nkauj  
lawv sawv daws ib txhij hu nkauj thiab  
siv cov twj paj nruag cav txog HUAB  
TAIS. Vim nws siab zoo, nws hlub neeg  
mus ib txhiab ib txhis."

**6** 2 Xas Los Moos hais tias :  
"HUAB TAIS, koj tau txiav siab  
tias koj yuav nyob hauv ib twv huab tsaus  
nti. Kuv tau ua ib lub tsev zoo rau koj,  
thiab koj nyob hauv lub tsev no mus ib  
txhiab ib txhis."

**24** 17 Yes Hos Yas Das tuag tas,  
cov ntaus thawj Yus Das tuaj pe  
tus vaj. Zaum ntawd, mas tus vaj  
mloog lawv cov lus thov. 18 Cov Yus  
Das tso HUAB TAIS lub Tuam Tsev pov  
tseg, tso lawv cov yawg koob tus Tswv  
Ntuj pov tseg. Lawv mus teev cov dab tej  
ncej tej mlom. Vim lawv ua txhaum li  
ntawd mas Tswv Ntuj npau taws rau Yus  
Das thiab rau Yes Lus Xas Les. 19 Ib co  
Yaj Saub sawv tuaj hais rau cov Yus Das  
kom lawv rov qab los cuag HUAB TAIS.  
Tab sis thaum cov Yaj Saub cev Tswv  
Ntuj cov lus rau lawv. Cov Yaj Saub  
zeem tseeb kawg. Tab sis cov Yus Das  
tsis quav ntsej rau. 20 Tswv Ntuj lub  
tswv yim los nyob hauv Ntxas Kas Lias  
uas nws yog tus Leej Choj Yes Hos Yas  
Das tus tub. Ntxas Kas Lias sawv ntsug  
hais rau tsoom sid tias :

"Tswv Ntuj hais li no : Vim li cas nej hla  
HUAB TAIS cov lus qhia ? Nej ho tsis  
tau ib yam dab tsi zoo li ! Vim nej tso  
HUAB TAIS pov tseg lawm mas HUAB  
TAIS tso nej pov tseg thiab."

21 Ces cov Yus Das sib koom siab hiam  
Ntxas Kas Lias. Lawv mloog tus vaj qhia  
lawv kom lawv xuas pob zeb los tua nws  
tuag nyob ntawm HUAB TAIS lub Tuam  
Tsev qhov rooj.

22 Tus vaj Yuas hnov qab Ntxas Kas  
Lias txiv lub txiaj ntsim, nws muab Ntxas  
Kas Lias tua. Thaum Ntxas Kas Lias  
yuav tuag nws qw tias :

"HUAB TAIS pom, nws yuav nug nej  
txog qhov nej ua no."

23 Xyoo tshiab tuaj, cov tub rog As Las

Mais sawv los ntaus Yuas. Lawv mus txog Yes Lus Xas Les thiab Yus Das teb. Lawv tua tas cov thawj tub rog thiab xa cov qauv mus rau tus vaj Das Mas. 24 Cov tub rog As Las Mais tuaj tsawg leej kawg, tab sis HUAB TAIS cia lawv yeej ib pab tub rog coob, vim cov Yus Das tso HUAB TAIS pov tseg, lawv tso lawv cov yawg koob tus Tswv Ntuj pov tseg. Cov As Las Mais muab txim rau Yuas. 25 Thaum lawv tso Yuas mas Yuas mob heev. Yuas cov tub txib koom siab hiam Yuas, lawv xav pauj rau nws vim nws tua tus Leej Choj Yes Hos Yas Das tus tub pov tseg. Ces lawv muab Yuas tua nyob hauv nws lub txaj. Nws tuag tas, lawv muab nws faus nyob hauv Das Vis lub tsheej. Tab sis lawv tsis faus nyob ze cov vaj tej ntxa.

**Tsoom His Xas Lais ua txhaum ntau, lawv raug txim ib ntus. Tswv Ntuj cog lus rov tsa lawv.**

2 X. 36 : 14 - 16 + 19 - 20 + 22- 23.

**36** 14 Lub caij ntawd nyob Yus Das teb, cov Thawj Leej Choj, thiab tsoom pej xeem sawv daws ua tsis ncaj rau Tswv Ntuj. Lawv ua tej yam phen xws li cov pej kum haiv neeg. Lawv ua ntau yam tsis huv rau lawv cov yawg koob tus HUAB TAIS Tswv Ntuj lub Tuam Tsev uas Tswv Ntuj qee ua nws tug nyob Yes Lus Xas Les.

15 Lawv cov yawg koob tus HUAB TAIS Tswv Ntuj xa ib co tiam lis tuaj tsis tseg rau lawv, vim nws xav txuag nws haiv neeg thiab nws lub Tuam Tsev.

16 Lawv luag cov neeg uas nws xa tuaj. Lawv thuam nws cov lus. Lawv hnyos nws cov Yaj Saub.

Ces Tswv Ntuj lub siab thiab npau tsis muaj dab tsiyuav cheem tau nws.

19 Tswv Ntuj xa tus vaj Kas Ntes tuaj hlawv Tswv Ntuj lub Tuam Tsev, lawv rhuav lub ntsa zeb xov Yes Lus Xas Les, lawv zes hluav taws hlawv cov tuam tsev kom kug tas, lawv muab tej toob xib muaj nqis kim kim ua piام tseem tas.

20 Ces cov uas lawv tau dim ntawm ntsis ntaj ntsis hmuv mas Nas Npws Kos Dos Nos Xos coj lawv mus nyob txim nyob Npas Npis Los teb.

Ces His Xas Lais ua tus vaj Npas Npis Los qhev, lawv tseem ua nws cov tub thiab nws cov xeeb ntxwv qhev los txog lub caij uas cov vaj Pes Xis tuaj nyob Npas Npis Los.

22 Thawj xyoos uas Kws Los ua vaj Pes Xis mas Tswv Ntuj tuaj tshoj Kws Los siab. Ces Kws Los ua raws li lo lus uas HUAB TAIS qhia rau Yes Les Mias. Kws Los tshaj lus ceeb toom mus thoob nws lub teb chaws tias :

23 "Tus vaj Pes Xis Kws Los hais li no : HUAB TAIS, tus Tswv kav lub ntuj, nws tso tas txhua haiv neeg nyob ntiaj teb no rau hauv kuv xib teg. Nws muab txoj hauj lwm no rau kuv ua, kuv yuav txhim ib lub Tuam Tsev teev nws nyob Yes Lus Xas Les nyob Yus Das teb.

Li ntawd, nyob hauv kuv tsoom pej xeem, leej twg yog haiv His Xas Lais mas kom Tswv Ntuj nrog nws nyob, thiab kom nws rov mus pem Yes Lus Xas Les mas !"